



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Brza procjena BDP-a u prvom kvartalu 2024. godine i inflacije u kratkom roku

Sarajevo, 17. 6. 2024. godine



Brza procjena BDP-a u prvom kvartalu 2024. godine i inflacije u kratkom roku

Ključne poruke

- *CBBiH procjenjuje godišnji rast realne ekonomske aktivnosti u prvom kvartalu 2024. godine na 1,8%, što je gotovo identično procjeni iz marta (1,7%).*
- *Preliminarna procjena kretanja realnog BDP-a za drugi kvartal 2024. godine ukazuje na nešto brži rast od 2,4% na godišnjem nivou.*
- *Procjenjujemo da bi ukupna inflacija mogla iznositi 2,6%, a temeljna inflacija 4,2% u drugom kvartalu 2024. godine. Očekujemo kako će godišnja inflacija u drugom kvartalu biti blago viša u maju i junu kao rezultat prvenstveno niske baze u prethodnoj godini, prvenstveno u odjeljcima transporta i režijskih troškova.*
- *Trenutne procjene kvartalne ekonomske aktivnosti i inflacije u kratkom roku su konzistentne sa ranije objavljenim srednjoročnim godišnjim makroekonomskim projekcijama.*

Na osnovu raspoloživih zvaničnih statističkih podataka, i informacija s međunarodnih tržišta objavljenih do 5. juna 2024. godine, Centralna banka Bosne i Hercegovine (CBBiH) procjenjuje godišnji rast realnog BDP-a u prvom kvartalu 2024. godine na 1,8%, što je gotovo identično procjeni iz marta (1,7%). Nastavak blagog rasta ekonomske aktivnosti iz prethodne godine očekujemo u prvom kvartalu zbog nastavka rasta u djelatnostima uslužnog sektora, i smanjenja inflatornog pritiska. Rast aktivnosti u uslužnom sektoru djelimično je kompenzirao pad aktivnosti u prerađivačkom sektoru, koja je bila dijelom i posljedica smanjene tražnje na tržištima zemalja glavnih trgovinskih partnera. Imajući u vidu kako industrijska proizvodnja bilježi nešto slabiji pad aktivnosti, a izvoz blagi rast na godišnjem nivou u aprilu 2024. godine, naša prva preliminarna procjena je da bi ekonomska aktivnost mogla biti nešto jača u drugom kvartalu, oko 2,4%. Posljedično, naša preliminarna procjena intenziteta rasta realnog BDP-a iznosi 2,1% za prvo polugodište 2024. godine.

Tabela 1: Godišnja promjena realnog BDP-a u BiH

		Martovski krug brzih procjena	Junski krug brzih procjena	
Službeni podatak u momentu pripremanja izvještaja	Q1 2022.	5,8%	5,8%	
	Q2 2022.	5,7%	5,7%	
	Q3 2022.	3,0%	3,0%	
	Q4 2022.	2,6%	2,6%	
	Q1 2023.	1,8%	1,8%	
	Q2 2023.	1,2%	1,2%	
	Q3 2023.	1,9%	1,9%	
	Q4 2023.		1,7%	
		Centralna procjena iz marta, 2024.	Centralna procjena iz juna, 2024.	
Brze procjene CBBiH	mart 2024. godine	Q4 2023.	1,7%	
		Q1 2024.	1,7%	
	juni 2024. godine	Q1 2024.		1,8%
		Q2 2024.*		2,4%
		Prvo polugodište 2024.		2,1%

Izvor: BHAS, procjene CBBH. * Prva preliminarna procjena.

Trenutno procjenjujemo kako će ukupna inflacija iznositi 2,6% u drugom kvartalu 2024. godine, a temeljna inflacija 4,2%. Neočekivano brzo usporavanje inflacije u drugom polugodištu 2023.

godine će imati značajan bazni uticaj na kretanje indeksa potrošačkih cijena. Očekujemo da će povećanja cijena prevoza zbog baznog efekta, ali i povećanja cijena režijskih troškova, koje su osim utjecaja baznog efekta pod pritiskom najavljenog povećanja cijena električne energije, te efekti nedovoljne ponude radne snage imati posebno značajan utjecaj na povećanje inflacije. Očekivane cijene ostalih odjeljaka u narednom periodu pratit će trend koji je prisutan od početka godine. Naša preliminarna procjena inflacije u trećem kvartalu ukazuje na blago jačanje inflatornih pritisaka u odnosu na prethodni kvartal, ali su projekcije i dalje u skladu sa onim iz srednjoročnog makroekonomskog modela za 2024. godinu.

Inflacija u BiH je primarno pod utjecajem promjena u nivou temeljne inflacije, iz koje se isključuju cijene hrane, alkoholnih pića i duhana, te energenata, što ukazuje na rast domaćih cijena. Procijenjena inflacija u eurozoni za drugi kvartal 2024. godine je gotovo identična domaćoj i iznosi 2,5%. Najnovije projekcije ECB-a iz juna 2024. godine za ukupnu i temeljnu inflaciju u eurozoni su revidirane naviše za 2024. i 2025. godinu u odnosu na projekcije iz marta. Sadašnja procjena ukupne inflacije u eurozoni iznosi 2,5% u 2024. i 2,2% u 2025. godini.

Tabela 2: Godišnja inflacija u BiH, za period

		Ukupna inflacija	Temeljna inflacija	
Službeni podatak/procjena CBBH za temeljnu inflaciju	Q1 2023.	12,4%	6,7%	
	Q2 2023.	6,4%	7,5%	
	Q3 2023.	4,3%	6,8%	
	Q4 2023.	2,0%	5,2%	
	2023.	6,1%	6,5%	
	Q1 2024.	2,0%	4,7%	
	april 2024.	2,0%	4,1%	
Brze procjene CBBiH	Q1 2024.	2,4%	4,7%	
	mart 2024. godine	Q2 2024.	2,7%	4,6%
		Prvo polugodište 2024.	2,6%	4,6%
	juni 2024. godine	Q2 2024.	2,6%	4,2%
		Q3 2024.	2,9%	4,4%
		Prvo polugodište 2024.	2,3%	4,4%

Izvor: BHAS, procjene CBBH.

Sljedeći krug brzih procjena BDP-a, te ukupne i temeljne inflacije planiramo objaviti u septembru 2024. godine.